

▼ 8 dekabr – Ўзбекистон Республикаси Конституцияси қабул қилинган кун

ФАРОВОН КЕЛАЖАГИМИЗ КАФОЛАТИ

Ҳар бир давлатнинг тараққиёти ва барқарор келажаги, аввало, унинг асосий қонуни мустақамлигига таянади. Ўзбекистон Республикаси Конституцияси халқимиз орзу-интилишлари, адолат, эркинлик ва тенглик ҳақидаги

қарашларини ўзида мужассам этган, миллий қадриятлар ҳамда замонавий демократик тамойилларнинг уйғун ифодасидир. Шу боис у мамлакатимизда “Бахтимиз қомуси” сифатида эъзозланади.

1992 йил 8 декабрда қабул қилинган Конституция мустақил давлатимизнинг сиёсий, ижтимоий ва иқтисодий пой-деворини яратиб берди. Унда инсон ҳуқуқлари ва эркинликларини олий қадрият сифатида эътироф этиш, давлат ҳокимиятининг тармоқларга бўлиниши, фуқаролик жамиятини шакллантириш каби демократик принциплар мустақам ўрин олди. Йиллар давомида ушбу ҳужжат мамлакат тараққиётининг ишончли таянчи бўлиб хизмат қилди.

Аммо жамиятнинг ривожланиши, янги эҳтиёжлар ва замона талаблари Конституцияга ўзгартиришлар киритишга за-

рурат туғдирди. Шу сабабли, 2023 йил 30 апрелда ўтказилган умумхалқ референдуми орқали Конституциянинг янгиланган таҳрири қабул қилинди. Бу тарихий жараён мамлакатимиз ривожига янги саҳифа очди.

Янгиланган Конституция “Инсон – жамият – давлат” тамойилини бош мезон сифатида белгилаб, инсон манфаатларини давлат сиёсати марказига қўйди. Унда ижтимоий адолат таъминлаш, инсон қадр-қиммати юксалтириш, аёллар ва ёшлар ҳуқуқларини ҳимоя қилиш, экологик хавфсизлик ва ижтимоий ҳимоя масалаларига алоҳида эътибор қаратилди.

Эътиборлиси, янги Конституция таълим соҳасига доир нормаларнинг кучайтирилиши билан ажралиб туради. Янгиланган таҳрирда умумий ўрта таълимнинг мажбурийлиги ва бепул таъминланиши кафолатланди. Мактабгача, ўрта махсус, касб-хунар ва олий таълим тизимининг ривожланиши давлат ҳимоясига олинди. Иқтисодий ёшларни аниқлаш ва уларнинг таълим олиши учун шароит яратиш Конституция даражасида мустақамланди. Энг муҳими, ўқитувчиларнинг жамиятдаги мақоми эътироф этилган ва уларнинг

ҳуқуқ ва манфаатларини давлат ҳимоя қилиши қонун билан белгиланди.

Конституцияда таълим тизимида илмий-технологик янгиланишларни жорий этиш, рақамли таълимни ривожлантириш, илм-фан ва ишлаб чиқариш интеграциясини кучайтириш ҳам назарда тутилган. Бу эса Ўзбекистоннинг билимга асосланган тараққиёт йўлини мустақамловчи муҳим омил ҳисобланади.

Бугунги кунда Конституция жамиятимизда ҳуқуқий маданият, қонун устуворлиги ва барқарорликнинг асосий кафолати сифатида хизмат қилмоқда. Ҳар йили 8 декабрь – Ўзбекистон Республикаси Конституцияси қабул қилинган кун сифатида мамлакат бўйлаб кенг нишонланади. Бу нафақат байрам, балки Ватан қонун ва халқ олдидаги масъулиятни эслатувчи муқаддас

сана сифатида қадрланади.

Конституцияни чуқур билиш, унга ҳурмат билан амал қилиш – ҳар бир фуқаронинг бурчидир. Ёш авлодни айнан шу руҳда тарбиялаш, уларнинг ҳуқуқ ва эркинликларини англашига кўмаклашиш – ота-оналар, педагоглар ва жамиятнинг умумий вазифасидир.

Ўзбекистон Республикаси Конституцияси – халқимиз ғурури, эркинлик тимсоли ва фаровон келажак кафолатидир. У бизни тинчлик, барқарорлик ва тараққиёт сари етаклайди. Шунинг учун асосий қонуни мизни ардоқлаш ва унга садоқат билан амал қилиш – Ватанга муҳаббатнинг энг юқори ифодасидир.

УГИЛОЙ ХУДОЙНАЗАРОВА,
Чирчиқ давлат педагогика университети “Тасвирий санъат ва дизайн” кафедраси ўқитувчиси

▼ Ҳамкорлик



МУЛОҚОТ, МУЗОКАРА, МУҲОКАМА

Пойтахтимиздаги “Hilton” меҳмонхонасида Тошкент вилояти ҳокими Зойир Мирзаев ва Башқирдистон Республикаси раҳбари Радий Хабиров ўртасида муҳим учрашув бўлиб ўтди.

Мулоқот аввало виллоят ҳокими меҳмонларни самимий қўллаб, ҳар икки мамлакат ўртасидаги дўстона алоқалар тобора мустақамланиб бораётгани, айниқса, бу муносабатлар ҳудудларaro ҳамкорлик асосида жадал ривожланаётганини алоҳида таъкидлади.

Шунингдек, Тошкент вилоятида турли соҳаларда истиқболли ташаббуслар юзасида амалий қадамлар алақачон ташлангани, яқиндагина Башқирдистон Республикаси Бош вазири ўринбосари Александр Николаевич билан олиб борилган самарали музокаралар бу борада муҳим ўрин тутгани кайд этилди.

Ўз навбатида, Радий Хабиров Тошкент вилояти билан ҳамкорлик қилишга қизиқиш юқори эканини таъкидлар экан, бу минтақа саноат, қишлоқ ҳўжалиги, таълим ва туризм соҳалари, ишлаб чиқариш ҳамда машинасозлик йўналишларида қўшма ташаббусларни амалга ошириш учун катта имкониятлар ҳудуди эканини мамнуният билан эътироф этди.

Маълумки, Башқирдистон нефть-газ, машинасозлик, таълим, кимё ва қишлоқ ҳўжалиги соҳаларида етакчи минтақа ҳисобланади. Тошкент вилояти эса инфратузилмаси тез ривожланаётган, турли саноат тармоқлари жадал кенгаётган ҳудуд сифатида инвестиция учун жозибдор маскан.

Сўхбат мобайнида икки ҳудуд ўртасида айни шу соҳаларга кўпроқ эътибор қаратиш, иқтисодий, инвестицион ва маданий ҳамкорликни янада ривожлантириш масалалари атрофлича муҳокама қилинди.

Учрашув очик, самимий ва галдаги амалий қадамларга йўналтирилган руҳда ўтди.

▼ Жараён

ЭКОЛОГИК ИНТИЗОМ – БУГУННИНГ ЭНГ МУҲИМ ТАЛАБИ

Зангиота туманида Тошкент вилояти ҳокими Зойир Мирзаев иштирокида атроф-муҳитни муҳофаза қилишга қаратилган навбатдаги ишчи мулоқот бўлиб ўтди.

Унда тижорат банклари вакиллари, ҳудудий экология бўлими мутахассислари, иссиқхона эгалари ҳамда филтър ва экологик жихозлар ишлаб чиқарувчи тадбиркорлар иштирок этишди.

Мулоқотда экологик хавфсизликка оид қатор долзарб масалалар – ҳаво сифати, чиқиндилар масаласи, замонавий филтър технологияларидан кенг фойдаланиш, шунингдек, иссиқхона ҳўжаликлари фаолиятида экологик меъёрларга қатъий риоя қилиш масалалари атрофлича муҳокама қилинди.

Виллоят ҳокими иссиқхона эгалари зиммасига юклатилган масъулиятни яна бир бор эслатиб, филтър ўрнатмасдан фаолият юритиб, атроф-муҳитга зарар етказётган ҳўжаликларга нисбатан қатъий чоралар кўрилиши ҳақида огоҳлантирди.

Тадбирнинг асосий мақсади – бугунги куннинг энг муҳим талабидан келиб чиққан ҳолда, иссиқхона эгалари ўртасида экологик маданиятни ошириш, ҳаво ифлосланишининг олдини олиш ва бу йўналишда тизимли чора-тадбирларни йўлга қўйишдан иборат бўлди.

Амалий семинар кўринишида ўтган мулоқотда иштирокчиларга филтър ўрнатишнинг афзалликлари, энергия тежамкор технологиялар, экологик хавфсиз ускуналар ва ресурслардан оқилона фойдаланиш юзасида мутахассисларнинг тавсия ва кўрсатмалари тақдим этилди.

Тошкент вилояти ҳокимлиги Ахборот хизмати

ЮРАКДАН ЮРАККА

– Ростини айтсам, бундай тадбирларда қатнашиш одамга бошқача руҳ, ишонч берар экан, – дейди Бекобод туманилик ҳўнарманд Шарофат Пардаева. – Юртимизда ногиронлиги бўлган шахслар учун яратилаётган тенг имкониятлар, уларнинг жамиятга тўлақонли қўшилишига қаратилган ишловлардан мамнунман. Ўзим қўл меҳнати билан турли буюмлар ясайман. Бу буюмлар кимгадир ёқса, фойдали бўлса, бу менга куч-куват беради. Бугунги кўрғазмада анчагина маҳсулотни сотилди. Ногиронлиги бўлган инсонлар учун шундай имкониятларни яратиш берганларга раҳмат. Бу – биз учун ишонч, имконият ва янги қадамдир.

Таъкидланганидек, иштирокчилар томонидан яратилган ижодий ишлар жамиятимизда инклюзив маданиятнинг мустақамланиб бораётганини кўрсатади.

Жумладан, Олмалик шаҳридаги 80-сонли иттихослаштирилган мактаб-интерна-

(Давоми. Бошланиши 1-саҳифада)

ти ўқувчилари тайёрлаган ёғоч ўйинчоқлар, шамдонлар, уй жиҳозлари ва керамика маҳсулотлари кўпчилигининг эътиборини тортиди. Ҳар бир маҳсулотда меҳр, ижод ва меҳнат акс этиб турибди.

Муассаса ўқитувчиси Муҳаббат Маматқулованинг айтишича, бундай ижодий фаолият ёшларнинг малакасини ошириш билан бирга, касб-хунар эгаллашлари ва жамиятда муносиб ўрин топишларига ёрдам беради.

Икки кун давом этган хайрия акциясида 73 миллион сўмлик маҳсулотлар сотилди. Тушган маблагнинг барчаси иттихослашган мактабларнинг моддий-техника таъминотини мустақамлаш ва ўқувчилар учун зарур шароитлар яратишга сарфланади.

Тадбирда Тошкент вилояти ҳокими Зойир Мирзаев иштирок этиб, ўқувчилар томонидан тайёрланган буюмларни юқори баҳолади.

Нозима РАСУЛОВА,
“Тошкент ҳақиқати” муҳбири
Жалолиддин ЭСОНОВ
олган суратлар

▼ Очик мулоқот

КАМОЛОТ МАНЗИЛИНИНГ “ЙЎЛ ХАРИТАСИ”



Оққўрғон туманидаги Касбий кўник-малар марказида “Конституция – ҳуқуқ ва эркинликларимиз кафолати” мавзусида ёшлар билан учрашув ташкил этилди.

Ўзбекистон Республикаси Конституцияси қабул қилинганлигининг 33 йиллиги муносабати билан ўтказилган учрашувда Касаба уюшмалари Федерацияси виллоят Кенгаши раиси С.Файзиёва, виллоят Касбий таълим бошқармаси бошлиғи Н.Қулбекова, Оққўрғон тумани Адлия бўлими масъул ходими Б.Мавланов ҳамда ўқувчи-ёшлар иштирок этишди.

Тадбирда Бош Қомусимизда халқимизнинг иродаси ва орзу-истаклари ёрқин акс этирилгани, ёшларнинг интеллектуал, ижодий, жисмоний ва ахлоқий жиҳатдан шаклланиши учун шароитлар яратиш бериш кафолатлари мустақамлаб қўйилгани таъкидланди.

Шунингдек, ўқувчиларга касба уюшмаларининг ёшлар билан ишлаш йўналиши,



янги лойиҳалар, ташкилотларда ёш ишчи-ҳодимларни қўллаб-қувватлаш юзасидан амалга оширилаётган вазифалар ҳақида тушунчалар берилди.

Очик мулоқот шаклида ўтган учрашувда ёшлар ўзларини кизиқтирган саволлар ҳамда тақлифлар билан раҳбарларга

муурожаат қилдилар. Билдирилган тақлифлар маъқулланиб, улар юзасидан алоҳида чора-тадбирлар амалга оширилиши белгиланди.

Яқунда бир гуруҳ фаол ва иқтидорли ёшлар ташаккурнома ва эсдалик совғалар билан тақдирландилар.

Ўз муҳбиримиз

▼ Йўқлов

УСТОЗЛИК – УЛУҒ МАҚОМ

Устоз ва мураббийларнинг меҳнати азалдан халқимиз томонидан қадрланган. Устоз деганда кўз ўнгимизда жонкуяр ва меҳрибон муаллимлар гавдаланади. Ҳар биримиз ўқитувчилик касбининг машаққатларини яхши

билиамиз. Ана шундай фидойи устозлардан бири, ярим асрлик умрини таълимга бағишлаб, кўплаб ёшларни билимли, маънавий баркамол инсон бўлиб вояга етишларига ҳисса қўшган Мавжуда Ашировадир.



▼ Muruvvat



Yana bir ezgulik oshyoni

Xalqaro nogironlar kuni munosabati bilan Zangiota tumanining “Eshonguzar” mahallasida yana bir ezgu tashabbus amalga oshirildi.



bolaning o'ziga xos ehtiyojlari inobatga olingan holda, kun davomida tarbiyachi va malakali defektolog-mutaxassislar tomonidan parvarish qilinadi.

Markazning asosiy maqsadi – bolalarning sog'lig'ini tiklash, ijtimoiy moslashuvini qo'llab-quvvatlash hamda kelajakda jamiyatga faol qo'shilishlari uchun zarur sharoit yaratishdir.

Hozirda 12 nafar nogironligi mavjud bolajonlarni qabul qilingan markazda 5 nafar xodim ish bilan ta'minlangan.

Gap shundaki, mahalliy tadbirkor Botir Rajapovning sa'y-harakati bilan hududda nogironligi bo'lgan 3 yoshdan 16 yoshgacha bolalar uchun “Kunduzgi parvarish xizmati” yo'lga qo'yildi. Ushbu markazda har bir

salohiyati, ўқув жараёнларининг самарадорлигига жиддий эътибор қаратди. Ўзлаштирган тажрибалари унинг теран билимли, адолатли ва жамоани руҳлантира оладиган раҳбар сифатида шаклланишида муҳим омил бўлди.

2000 йилдан буён М.Аширова Чирчиқ шаҳридаги 7-умумтаълим мактаби директори вазифасида ишлаб келмоқда. Шу йиллар давомида у таълимни модернизация қилиш, замонавий ўқитиш усулларини жорий этиш ва ўқитувчилар малакасини ошириш борасида юқори талабчанлик кўрсатиб келмоқда.

Устознинг педагогик маҳорати ва кўп йиллик меҳнатлари эътибордан четда қолмади. У “Ўзбекистон халқ маорифи аълочиси” унвони билан тақдирланди.

– Устозлик фақат фан асосла-

рини ўргатиш билан чекланмайди, – дейди Мавжуда Аширова. – Биз ўқувчиларни тарбиялашимиз, уларни мустақил фикрлашга, шунингдек, Ватанини севиш, қадриятларимизни қадрлашга ўргатишимиз керак. Ҳар бир ўқувчи алоҳида эътибор ва тўғри ёндашувни талаб қилади, уларнинг шахсий қобилияти ва қизиқишларини ривожлантириш эса устознинг муҳим вазифасидир. Бугунги давр тез суръатларда ривожланиб бораётгани туфайли таълим тизими ҳам доимий равишда янгиланишни талаб этмоқда. Шунинг учун, мактабимизда таълим сифатини янада яхшилаш, замонавий ўқитиш технологияларини жорий этиш, ўқитувчиларнинг малакасини мунтазам ошириб бориш ҳамда ўқувчиларга самарали таълим муҳитини яратишни фаоли-

тимнинг бош йўналиши деб биламан. Тажрибама таяниб айтишим мумкинки, педагог ўз устида мунтазам ишласа, янгиланишни ўзлаштириб, ўқув жараёнига татбиқ этса, натижа ҳам юқори бўлади. Ўзим ҳам доимий изланишданман. Таълим соҳасида фаолият юритиш мен учун катта масъулиятдир.

Дарвоқе, эл-юрт ҳурматини мерос қилиб бўлмайди. Унга фақат ҳалол меҳнат қилиб, ёниб яшаганларгина эришилади. Мавжуда Аширова шундайлар тоифасидан эканлигидан жамоаси, ўқувчилари, яқинлари фахрланишади. У каби педагоглар бор экан, мамлакатимиз таълим тизimini ривожланиш ва юксалиш йўлини давом эттириверади.

Нозима АРСЛОНОВА